



## Carta de is Balores Isportivos

**FINS – Federazione Isport Nazionale Sardu** reconoschet s'isport comente elementu de fundamentu de sa vida de milliones de persones e ddu cunsidera unu fattore de importu e detzisivu de megioru de sa calidade de sa vida.

FINS reconoschet, comente printzìpiu ideale e irrenunziabile, sa libertade de atzessu a s'atividade isportiva, sena peruna discriminazione e in su prus respetu mannu de is capatzidades de cadaunu.

FINS retenet s'isport un'elementu de agregazione sotziale e nde reconoschet (e promovet) su ruolu de aina pro a s'abbatimentu de is diferènzias sotziales, fisicas e econòmicas.

FINS cunsiderat s'isport comente mèdiu donadu a s'èssere umanu pro si pònnere a sa proa in manera costante e intentare de andare a in antis de is limites suos.

FINS agradasset e amparat su balore de sa derrota comente momentu de crèschida, cumpridura e reconoschimentu de is capatzidades de s'aversàriu.

\*\* \*\*\* \*\*

S'isport est su logu naturale in ue privadu, in forma individuale o colletiva, àtuat su disigiu de espressare is capatzidades suas psico/motòrias, dedichende su corpus e sa mente a su tentativu de otènnere semper su màssimu, preservende e curende, in custa manera, sa salute sua fisicu/mentale.

Cando, pro mèdiu de s'isport, si cunfrontamus cun is àteros, siat in manera singulare che in grupu, s'impignu nostru no est prus feti fisicu ma fintzas sotziale.

Pro custu s'isport est un'ispàtziu de cumpartimentu chi favoresset sa solidariedade, s'amigàntzia, su respetu intre pare.

\*\* \*\*\* \*\*

Tenende in cunsideru totu custu, iscriende-ti a FINS t'impignas a:

- respetare is cumpàngios de iscuadra, tènicos, dirigentes e totus is chi appartenent a s'Assòtziu, atzetende is detzisiones de is òrganos rappresentativos (o nominados dae custos);
- atzetare e respetare is detzisiones leadas dae su Staff Tènicu de is iscuadras FINS;

**FINS - Federazione Isport Nazionale Sardu**

via Su Rieddu 11 - 09030 - Pabillonis (SU) - Sardigna

C.F./VAT Number 91022560923

[fins-sardigna.net](http://fins-sardigna.net) · [info@fins-sardigna.net](mailto:info@fins-sardigna.net) · +39 351 870 3724

[Facebook](#) · [Twitter](#) · [Instagram](#)



FEDERAZIONE ISPORT NAZIONALE SARDO



- ti cumportare cun respetu, verbale e fisicu, in antis, in su mentras e a pustis de sa pràtica isportiva evitende cale si chi siat genia de cumportamentu discriminatòriu, intollerante o violentu;
- respetare s'aversàriu (giogadores, tènicos, dirigentes, tifosi) e àrbitros e/o giùighes de gara;
- cumpètere in manera sentzillia, impignende-ti a segudare sa vitòria sena peruna trampa o ainas non curretas;
- respetare s'istòria, sa cultura, su territòriu e is limbas de totus is Natziones de su Mundu (reconnotas in manera ufiziale o nono);
- atzetare in manera sentzillia e cun dignidade sa derrota, torrende onore a is avversàrios e semper in su respetu de is detziosiones arbitrales;
- respetare e onorare, cun sa pràtica isportiva, sa Sardigna e su patrimoniù materiale e immateriale suo, is Sardos e is maneras de bìvere issoro, is costumàntzias e is limbas, elementos de fundatzione e costitutivos de su pòpulu sardu, chi tenent pari dignidade de sos de totus is àteros pòpulos de su mundu.

Mescamente, t'impignas a t'ispassiare ca s'isport est, in antis de totu, disaogu.

**FINS - Federazione Isport Nazionale Sardu**

via Su Rieddu 11 - 09030 - Pabillonis (SU) - Sardigna

C.F./VAT Number 91022560923

[fins-sardigna.net](http://fins-sardigna.net) · [info@fins-sardigna.net](mailto:info@fins-sardigna.net) · +39 351 870 3724

[Facebook](#) · [Twitter](#) · [Instagram](#)